

**Châng thlan:** *Hebrai 9:12.*

**Zirlâite tân:**

**Hriat tûr:** Vân biak bûka Kristâ rawngbâwlna awmzia leh hnathawh awmzia an hrethiam ang.

**Vei tûr:** Krista chu anmahni Sawipuitu a nih avângin an lâwm ang a; vân leh lei inzawm hnaihzia an hriatin an lâwm bawk ang.

**Tih tûr:** Vân biak bûka Kristâ rawngbâwlnain kan tâna tângkâina, a bîk takin ni hnuhnunga tângkâina a neih chhan leh neih dân hriat an tum ang.

**THUPUI THEN**

**I. Hriat tûr: Vâna Puithiam chu**

- A Vân biak bûka Isuan hnâ a thawh chu eng nge ni?
- B Sawipuina hnâ a thawh chu eng nge ni a awmzia?
- C He vâna a rawngbâwlna hi eng vângin nge khawvêl chhandamna atân a pawimawh?

**II. Vei tûr: Ka thinlunga Puithiam chu**

- A Eng vângin nge vâna Kristâ rawngbâwlna hi a pawimawh êm êm?
- B Eng tiangin nge puithiam a nihna anga Kristâ rawngbâwlna hian Pathianin min ngaihsakzia min hrilh?
- C Eng tin nge he thutak hian kan thinlungah Pathianin min chên chilh reng a ni tih min hrilh?

**III. Tih tûr: Ka nuna Puithiam chu**

- A Eng vângin nge thianghlim takin kan nun kan hman ang?
- B Eng tiangin nge vâna Kristâ rawngbâwlna hi wawiina kan nunah hian a tângkâi?
- C Eng tiangin nge vâna Kristâ rawngbâwlna hian sual hneh thei tûrin min puih?

**KHÂIKHÂWMNA:** Krista chuan kan thinlunga Pathian ram a lo thlenna tûra kan inbuaisaih theih nân hnâ a la thawk reng a ni.

**INZIRTÎR DÂN TÛR**

**RAHBI 1—Chawk phûr rawh**

**Bible châng thlûr bing tûr:** *Hebrai 9:11–14.*

**THLARAU ʒHANNA ATÂNA THU PAWIMAWH:** *Kan entawn ber Krista, khawvêl chhandamna atâna ʒawngʒai reng chuan Pathian lalram a lo thlen theihna tûra ʒawngʒai ve tûrin min phût a ni.*

**ZÎRTÎRTUTE TÂN BÎK:** Vân biak bûka Kristâ rawngbâwlna kan ngaihtuahna hian sualna nunrâwnzia min hriat chian lehzualtîrin, kan ʒhenawm khaw vêngte tâna kan mawhphurhna pawh min hriat chhuahtîr dâwn bawk a. Chhandamna chu khawvêl ngaihsakna lantîr a ni a; mi mal chhandamna leh khawvêl chhandamna hi thil inzawm a ni.

**Sawi hawn nân:** Mi sualte âiawha Kristan sawipuina hnâ a thawh hi kan thurinte zîngah chuan chona hmachhawn nasa ber pakhat a ni a, a chhan pawh vân lam thil daih a nih bâkah, kan Kristianpuite zînga danglam bîk riau nia min siamtu a nih vâng a ni. Chuvâng chuan he thû hi a pawimawhzia sawi nawn fo ringawt a tâwk lo va. A awmzia leh a pawimawhna bâkah, he thurinin kan mi mal nun leh khawvêl tâwpna tûr pawh a hriat a ni tih kan ngaihtuah tel tûr a ni. Kristan vân biak bûka Puithiam Lalber a nihna anga rawng a bawlna chungchâng hi sawi ho ula—chiang tak, âwihawm tak leh rinna atâna ʒangkâipui theih tûr zâwngin sawi ʒheuh ang che u.

### **Sawi ho tûr:**

- ① Eng vângin nge vâna Isua rawngbâwlna hi a pawimawh viau? Bible-ah hian vân leh lei inzawm thû sawina eng engte nge awm (*entir nân, Genesis 28:12-a Jakoban vân tawng leihlâwn a hmuh ang te kha*)
- ② Danielan Israel-te Pathian leh Kaldaihote pathian danglamna a sawi chu eng nge ni (*Dan. 2:10, 11, 28 en la.*)
- ③ Eng vângin nge vâna Kristan min sawipuina hnâ a thawh hi keini Seventh-day Adventist-te tân chauh pawh ni lovin, khawvêl hmakhua atân pawh hian a pawimawh êm êm? Hê thu pawimawh tak mai hi eng vângin nge Kristian dangte hian a ngaihsak ve miah

loh hlawn? Hê thuchah hi tûnlâi mîte rilrû-ah hian eng tin nge kan tuhsak theih ang?

## **RAHBI 2—Zawng chhuak rawh**

**ZÎRTÏRTUTE TÂN BÏK:** Tûn kêr zirlâi hian Kristâ rawngbâwlina chhâwng thumte a sawi dâwn a, chûngte chu: 1) Kalhlên Kût Berâm No a nihna anga amah a inhlanna; 2) Vân biak bûka puithiam lalber a nihna anga rawng a bâwlina; 3) ni hnuhnûnga Tlanna Nî-te a ni. Hê thurin hi fiah taka sawi thei ni ringawt lovin, mi dangte tâna ngaihven châkawm leh pawimawh riau nia a lan theihna tûrin sawi tum ang che. I sawi pahin kan kohhranin hemi chungchânga buaina kan lo tawh tawh dân (kan mi hmasâten Beidawwna Râpthlâk an tawh thû te, zirtirtu der an lo chhuah tawh thû te) pawh sawi tel ang che. Chûng mîten thil an lo chhût sual leh tihsualte chu sawi ho ula. Kan thlîr dân hi Kristiante zînga tam tak chuan min tawmpui lêm lo mah sela, hemi thû-ah hian Adventist-te hi kan mal tan lo va, sâkhaw dang zuitute (Juda-te leh Mosolman-te) pawhin hetiang deuh hi an zirtîr vê a ni tih i sawi tel dâwn nia.

## **ZIR ZÂUNA**

### **I. Pathian Berâm No chu** (*Johana 1:29*)

Kalhlên Kûta an hlan berâmno kha Kristâ inhlanna “entirtu” a ni a. Hê berâmno thisen avâng hian thihna thlentu vântirhkoah chuan Israel mîte chênna in chu a “kal hlên,” “kal kân” zêl a, tichuan Israel mîte chu Aigupta ram aţangin a chhuah theih phah ta a nih kha (*Exod. 12:13, 14*). Zâwlnei Isaia pawhin sual thâwina “berâmno” chu khawvêl sualte phura chhandamtu tûr Chhiahhlawh Tuartu nêna lo tehkhin ve chiah bawk (*Isa. 53:7; Tirhkohte 8:32*).

Thuthlung Thar lamah pawh hetiang tho hi kan hmu leh a. Luka chuan “tleitlâkna” (Grik tawng chuan, *exodus* tih a ni a) tih thumal hmangin, chu chuan Isua thihna a kâwk a (*Luka*

*9:31*), chu chuan thlarau lama zalênna leh tlanna a thlen thu a sawi. Chutih lâiin Baptistu Johanan, “Pathian Berâm No” tia Isua a sawi kha chuan Pathian a nihzia a kâwk ve thung a. A chhan pawh he Berâm No hian Pathian nungchang a put vâng a ni. Johana

khân Pathian chu he berâmah hian lo changin Kalhlên Kûtah khân hlan a ni tawh niin a ngâi. Thupuan Bû-ah hian “berâmno” tih tawngkam kan hmu tam hlê a (*Thup. 5:6, 22:3, leh a dangte.*), entîrna pawimawh ber a ni bawk. Mihringte chhandam tûrin lei leh vân Pathian ropui tak chu berâmno-ah a lo chang ta a ni.

**Ngaihtuah teh:** Luka 9:22-a Isuâ thil sawi hi en la, a hnuaiia zawhnate hi chhâng ang che:

- ❶ Eng vângin nge kan sualte avâng hian Pathian a rawn thih a tûl?
- ❷ Kraws-a thi kher lo khân Pathian chuan kan sualte a ngâidam thei mai lo vem ni?
- ❸ Kristâ inhlanna hi awmze nei takin a sawifiah theih em?

## II. Chatuana Puithiam chu (*Sâm 110; Hebrai 7:20–28*)

Thil inkâwlkalh angreng tak mai chu, Isuan sual thâwina atâna hlan tawh “berâmno” nia a insawi bâkah, berâmno talhtu puithiam nia a insawi tho bawk sî hi a ni. Hebrai lehkhathawn ziaktu hian, *Sâm 110* thu angin, Isua chu “chatuana puithiam” Melkizedeka nêna a tehkhin a (*Heb. 7:21; Sâm 110:4*), hei hian Kristâ puithiamna chu chatuan atân leh mi zawng zawng huap a nihzia a nemnghet. Hetah hian puithiam a nihna anga Kristan vâna hnâ a thawh chu a sawi a. He thuthlung thar ang hi chuan chhandamna leh ngaihdamna chu eng tik hun lâi emaw leh, khawi hmunah emaw chauh chan theih bîk ni tawh lovin, mi zawng zawng hnênah a awm vek tawh a, a nghet êm êm tawh bawk a ni.

Pathian puithiamna, vâna awm chu Pathian Fapa kuta awm a nih avângin a pawimawh êm êm a. Tûnah chuan keimahni ngeiin Pathian kan dâwr thei tawh a, hâl ral thil hlan a tûl tawh lo tihna a ni. Chumi âi pawha la pawimawh zâwk chu, Isuâ puithiamna hian khawvêl zawng zawngah nghawng a nei bawk: Isuan vâna puithiam hnâ a thawhna hian Pathian vân lalram a buatsaih a ni. Kraws-a Isua inhlanna khân Leviticus lehkhabin a sawi inthâwina kha a luahlân tawh a, ngaihdamna leh chhandamna chu vânah sawn a ni ta bawk a ni.

**Ngaihtuah teh:** Eng vângin nge puithiamin sawipuina hnâ a thawh chu lei aţangin vânah sawn chhoh a nih tâk? Kraws-a thil thleng khân chhandamna a tihfamkim nghâl loh dân sawi fiah rawh. Engati nge Stefana khân vâna “Pathian dinglama” Isua *ding* lâi a hmuh (*Tirh. 7:56; Sâm 110:1*)? Hê a inlârna hmuh leh thuthlung thar hian eng nge inlaichînna a neih le (*Dan. 9:27*)?

### **III. Vâna Tlanna Nî chu** (*Hebrai 9:26–28; Daniela 8:14.*)

Tlanna a chhâwng tâwp ber chu Hebrai lehkhathawn ziaktu leh Bible hrilhlâwkna chuan Rorêlna/Tlanna/Inremna (Hebrai tawngin, *kippur*) nî tiin an sawi a. Hebrai lehkhathawn ziaktu hian “rorêlna” lo thleng tûr chu a sawi a, chû chu Isua lo kal lehna nêh a sawi zawm bawk: “Mihringte tân vawi khat thih ruat a ni; chumi hnûah chuan rorêlna a awm ang; chutiang bawkin Krista pawh mi tam tak sualte kalpui tûra vawi khat hlana awm tawhin, chhandamna hmu tûra amah lo nghâktûte hnênah chuan, sual tel lovin vawi hnihnaah a lo lang leh ang” (*Heb. 9:27, 28*) a ti.

Hebrai lehkhathawn ziaktu ngaihdân chuan mihringte thihna leh Kristâ thihna a inzawm ang chiah hian, rorêlna leh Isua lo kal lehna pawh thil inzawm a ni. Daniela bû pawh hian chutiang deuh tho chuan a sawi ve tlat mai. Hapta 70 hrilhlâwkna hian Kristâ inhlanna a thlen lâiin (*Dan. 9:26*), ni 2,300 hrilhlâwkna hi chuan Mihring Fapa lo kal hmâ deuh chiah, tâwpna huna rorêlna nî emaw, Tlanna/Inremna Nî emaw chu a thlen ve thung a (*Dan. 8:14; Dan. 7:9–14*). Pathian chhandamna ruahman chu kraws-ah khân a la tâwp mai lo. Hrilhlâwkna chuan tâwpna hun a thleng ta tih tilangtu Tlanna/Inremna Nî, vâna rorêlna nî pawh chu a sawi tel tho bawk a ni.

Isua lo kal hmâa rorêl lâwkna lo awm tûr thu hi Kristian tam takte chuan mak an ti maithei a. Mahse, hê thil thleng tûr hi chhandamna kal mêkah hian a pawimawhin a tûl êm êm sî a. Hê thil thleng hian chhandamna lo lan chhuahna vâwrtâwp, Pathian lalram chu a hawng dâwn a. Hê thil thleng hi Bible hrilhlâwkna in ‘Inremna Nî’ tia a sawina chhan pawimawh tak a awm a. Leviticus bû-a kan hmuh Inremna Nî kha Israel mipui zawng zawngin “an

sual zawng zawngte” tlan vek a nih theihna atân an mamawh ang chiahin (*Lev. 16:33, 34; châng 17 pawh en la*), he Inremna Nî hnuhnung ber pawh hi khawvêl chhandamna atân a thlen ngei a tûl a ni. Inremna Nî hian chhandamna chu lei leh vân pum pui huapa thil thleng a ni tih tih min hrilh a. Chuvâng chuan “Lei thar leh vân thar” a awm a nih loh chuan chhandamna pawh a thleng thei lo a ni (*Thup. 21:1; 65:17*).

**Sawi ho tûr:** Eng vângin nge Kraws leh rorêlna hi thil inzawm leh inpui tawn tlat a nih le?

### **RAHBI 3—A taka nunpui tûr**

**ZÎRTÏRTUTE TÂN BÏK:** Eng vângin nge Bible-in rorêlna a sawi hi hriatthiam leh zirtîr a harsat fo le? Thil dang, entîr nân Science-in a sawite (**Physics chungchâng te, damdâwi chungchâng**) nêh hian khâikhin la. Eng vângin nge hêng thûte hi hriatthiam a harsat deuh a tûl rêng hlawm ni?

**Ngaihtuah zui tûr/a taka nunpui tûr zawhnate:** Eng tin nge rorêlna chungchâng a thu dik leh pawimawh tak hi tûnlâi mîte hnênah hian kan hrilh chhâwn theih ang?

### **RAHBI 4—Boruak siam rawh**

**ZÎRTÏRTUTE TÂN BÏK:** Tûn kêra zirlâi kan zir chhuah pawimawh tak mai chu khawvêl chhandamnaa Pathian hnathawh rin harsa tak leh mâwi tak ni bawk sî chu a ni a. Chutiang taka zirlâi hriatthiam harsa a nihna chuan Pathian hna thawh urhsûnzia leh ngaihven a tûlzia a tilang a ni.

**Tih tûrte:** Khawvêl chhanhimna tûra ngaihdân leh rawtna hrang hrang miin an lo vawrh chhuah tawhte chu eng nge ni (socialism, liberalism, absolutism, anarchism, leh a dangte). Eng vângin nge hêng rawtna hrang hrangte hi an hlawhtlin loh vek? Eng vângin nge khawvêl thar siam mai chu khawvêl harsatna sut kianna awm chhun a nih? Eng tin nge chu zawhna chu ni hnuhnunga Inremna Nî lo thleng tûr Bible-in a sawi hian a chhân le?